

Reykjavík, 9. apríl 2021

Félagsmálaráðuneytið

Efni: Umsögn við drög að tillögu til þingsályktunar um framkvæmdaáætlun í málefnum innflytjenda fyrir árin 2021-2024.

UMFÍ fagnar þeim hugmyndum sem birt eru í afar ítarlegum drögum að tillögu til þingsályktunar í málefnum innflytjenda næstu þrjú árin. Þetta er góð áætlun með mörgum mælanlegum markmiðum sem geta skilað algjörlega nýjum árangri í innflytjendamálum á Íslandi.

Á sama tíma og framkvæmdaáætlunin er mjög góð þá viljum við koma eftirfarandi ábendingum á framfæri. Það getur aukið líkurnar á að mörg verkefna komist almennilega á skrið og ljúki mögulega með góðum árangri.

Hér má sjá helstu atriðin sem við teljum að megi útfæra betur ásamt mögulegum tillögum að úrbótum:

A.4. Fræðsla til starfsfólks ríkis og sveitarfélaga.

Markmið þessa liðar er að efla þekkingu starfsfólks ríkis og sveitarfélaga á menningarnæmi- og færni. Í drögum að þingsályktunartillögunni segir að dæmi um samstarfsaðila séu Samband íslenskra sveitarfélaga, sveitarfélög, þjónustustofnanir og fjölmenningsfulltrúar sveitarfélaga.

UMFÍ mælir með því að fræðslan nái til fleiri aðila, svo sem starfsfólks í skipulögðu íþrótt- og æskulýðsstarfi um allt land. Það er aukið áhersla á að koma til móts við þennan hóp þátttakenda í starfsemi félaganna og samhliða því hefur þörf fyrir fræðslu aukist.

A.5. Fjölmenningsstefnu og móttökuáætlanir sveitarfélaga

Markmið þessa liðar er að stuðla að því að fjölmenningsstjórnað og hagsmunir innflytjenda séu samþættir í stefnumótun og þjónustu sveitarfélaga. Í framkvæmdalýsingu segir að Fjölmenningssetur veiti sveitarfélögum og stofnunum stuðning um gerð móttökuáætlana og fjölmenningsstefnu og að komið verði á samstarfi Fjölmenningsseturs og Jafnréttisstofu um stuðning við sveitarfélög sem hyggjast sameina / samþætta fjölmenningsstefnur og jafnréttisáætlanir sínar skv. lögum um stjórnsýslu jafnréttismála.

Innan íþróttahreyfingarinnar er vinna hafin við þróun móttökuáætlunar sem ætlunin er að innleiða í starfið um allt land. Hagræði er að hafa það í huga og samræma frekar áætlanir í samstarfi við fleiri aðila en að búa margar til í öllum hornum.

B.1. Þátttaka barna og ungmenna í íþrótt- og æskulýðsstarfi

Markmið þessa liðar er að auka þátttöku barna og ungmenna af erlendum uppruna í skipulögðu íþrótt- og æskulýðsstarfi og draga úr brotthvarfi þeirra úr slíku starfi meðal annars með því að kynningarefni fyrir börn og foreldra verði gert aðgengilegra á algengustu tungumálum innflytjenda um íþrótt- og æskulýðsstarf og frístundastyrki. Rýnd verði verkefni sem reynst hafi vel bæði hér á landi og í nágrannalöndunum til þess að efla og auka þátttöku barna og ungmenna af erlendum uppruna í íþrótt og tómstundastarfi. Á meðal samstarfsaðila yrðu Samband íslenskra sveitarfélaga, sveitarfélög, ÍSÍ, samtök innflytjenda, UMFÍ, Samfés og Æskulýðsvettvangurinn.

UMFÍ fagnar þessum áherslulið sérstaklega þar sem niðurstöður rannsókna sýna að aðgerða er þörf. ÍSÍ og UMFÍ hafa farið af stað með átaksverkefni varðandi börn af erlendum uppruna en betur má ef duga skal og við fögnum því að þetta sé sérstakur liður í aðgerðaáætluninni.

Aðrar vangaveltur og kostnaðarmat

Afar ánægjulegt er að sjá í drögum að framkvæmdaáætluninni að verkefnin – í stórum dráttum – eru fjármögnuð. Á hinn bóginn þarf að hafa í huga að til þess að verkefnin skili árangri þarf að fjármagna þau að fullu.


Sem dæmi má nefna að liður B.1. (þátttaka barna og ungmenna í íþrótt- og æskulýðsstarfi). Þar er áætlað fjármagn 3 m.kr til ársins 2023. Til samanburðar þá er hægt að kallast á við eitt af þeim verkefnum sem hafa verið sett af stað að undanfögnu. Verkefnið Allir með sem er í Reykjanesbæ og bæði UMFÍ og ungmennafélögin í Reykjanesbæ og Njarðvík koma að (Keflavík, íþrótt- og ungmennafélag og Ungmennafélag Njarðvíkur). Til samanburðar er kostnaðurinn við þetta fyrsta skref allir með um sexfalt hærri en það sem áætlað er í lið B.1. í áætluninni

Af þeim sökum vill UMFÍ vekja athygli á þessu og má gera ráð fyrir því að ýmsa liði í framkvæmdaáætluninni þurfi að endurskoða og mögulega hækka kostnaðarliði frekar en lækka þá til þess að árangur náist.

Vinum saman

Forsvarsfólk UMFÍ er reiðubúið til frekari útskýringa og aðstoðar á fleiri stigum málsins ef þess er óskað enda er málið íþrótt- og ungmennafélagshreyfingunni hjartfólgið. Hér er mikilvægt að allir standi saman.

Virðingarfyllst,
f.h. Ungmennafélags Íslands



Auður Inga Þorsteinsdóttir,
framkvæmdastjóri UMFÍ